

第二名

賴慧娟



無名無姓个存在

得獎感言

我想，用媽媽習慣了一輩子的語言，寫下她的存在。

一首〈神的回信客語版〉：「名姓會散去 有日你喊起佢正有意義」，是創作的源起。生命不應在流逝後，才讓懷念填滿。趁著記憶未退卻，我想，寫下悸動。

回看獨自扶養孩子的踽踽獨行，原來，一路走來的那份堅毅，不是與生俱來，是次次叛逆過往的反芻，是媽媽句句嘮叨的積累。原來，循著媽媽的生命軌跡，我，步步向前。

謝謝教育部及評審，讓這份心意，能透過美麗的客語文字，與大家分享。



無名無姓个存在

八月半个月光餅
細姪仔食到膩脰
拆貳包裝 狼離狼犁 歸桌
皺皺个手巴掌 捧等
毋盼得 豆沙膠卵黃恁打爽
一口一口个毋盼得
噉等
一生人个勞勞碌碌

該時
閒錢買餅 比毋過乳粉實際
按算 節過貳 賣伸个定著便宜
正 買一個 止口涎
隔日 空空个街頭
買 毋 著
頭臥臥仔掌等失落
一瞞目 四十零年

係青春層層疊疊

尋毋著來買

逐年 阿姆講一擺
偲兜乜 跌落
回憶映出个面容

背等細人仔 煮等三餐 汗流脈落係麼人个身影



日日做事到星光半夜
手指甲掙毋淨个油漆 衫褲留等砂紙掙過補泥个記號
係麼儕 用後生時个愛情想像 轉化成一層深過一層个家庭深情
間肚狹狹仔兩張眠床
尖淦淦 全家人春來秋去生活信息
縐縐縐 歸暗晡愁慮番綻个微毛末節
目睡摸些 佢知
該隻背影 憶等開銷 一遍算過一遍
該隻背影 掩等心事 孩等責任
名姓毋見忒 無人過喊起
存在个意義 彎彎幹幹 伸 一聲聲阿姆阿姆

月光餅 百般味緒
化在嘴肚 係婦人家 一行一行目汁个苦盡甘來

愛仰仔回轉 相片肚清湯掛麵學生樣
無退色 共樣煞猛 共樣燦爛笑容
看等別儕飛 飛入闊闊天空
窮苦年代 無錢仰擘翼
做大姊个人
同夢想鎖在拖箱
用溫暖堅韌守護老弟老妹
阿姆个名姓 係濛沙煙裡背透出个日頭花

時光對手指罇流過
一聲一聲阿姆 變成吾肩項个擔頭
正知



養育 係 拉等手 跔等腳跡 个幸福

正曉得

長透嚟嚟呀呀 係惜子入心

年年八月半

佢盡好攞一盒月光餅

轉屋 閒談傍茶

聽 半甲子个人生智慧

字字句句 因等牽掛

刻入心肝肚 該最偉大个名姓

阿姆

